



عنوان الكتاب : الحياة علي سطح البطيخ

المؤلف : أحمد عاطف

المراجعة اللغوية : عبد الهادي عباس

الإخراج الداخلي : رشا عبدالله

لوحة الغلاف : مختار زين

رقم الإيداع : 2017 / 3772

ردمك : 4-36-6549-977-978

الطبعة الأولى: يناير 2017



المدير العام : هاله البشبيشي

المدير التنفيذي : شريف الليثي



دار تويّا للنشر والتوزيع



dartoya2015@gmail.com



دار تويّا للنشر و التوزيع Dar.toya



@Dar_Toya



Dar.toya



(+2) 01140899887 - (+2) 01000706014



٣٥ شارع النصر - القلندي - القاهرة - مصر

جميع حقوق الطبع والنشر محفوظة للدار



دار تويلا للنشر والتوزيع

تَعذِيرٌ مُهِمٌّ

هذا الكتابُ ساخرٌ هزلي سطحي لا يحمل أي معلومات.. يعنى محدش
يجى بعد ما يقراه يقولى أنا ما أستفدتش حاجة ... لأن مفيش كتاب
ف العالم اسمه " الحياة على سطح البطيخ " وهيبقى مفيد ! ... إذا
كان الجبر وحساب المثلثات بتوع تانية ثانوى مش مفيدين ... دا اللى
هيبقى مفيد !



إهداء مهم

إهداء الى قصة حب عزمى وأشجان ... تلك القصة النقية البريئة التى
أثرت فى مشاعرى أثناء كتابة هذا الكتاب ... ف شكرا للصدفة التى
جعلتنى أكتشف هذا المسلسل وأكتشف هذة العلاقة الرومانسية
الخلافة ... شكرا ... بجد شكرا يا صدفة يا بنت الـ*** ... حسبى الله
ونعم الوكيل فىكى !



ملحوظة مهمة :

(خلاص والله آخر حاجة بعدها هندخل ف الموضوع)

الرسومات والكوميكس اللي موجودة جوه الكتاب على قدها شوية عشان انا
الى عاملها بنفسى مش حد محترف ... أنا قولت مش مهم الشكل .. المهم إن

إحساسى يوصل D:

ولو موصلش عادى بردو .. مش مهم الشكل ولا الاحساس .. المهم الاخلاق



الأعداء



الأعدابي

في ليلةٍ يُضيئها القمر، وتُغازلها نسماتُ الشتاء العليقة، ظهر شيخٌ كبيرٌ ذو لحيةٍ بيضاءٍ طويلة، يرتدي جلبابًا ناصع البياض ويُغطي رأسه بشالٍ لا يقل بياضًا عن جلبابه، يتحرك بخطواتٍ بطيئةٍ للغاية مُستندًا على عكازه الخشبي الذي كان ينعكس عليه ضوء القمر فيعطيه لمعةً تزيد هيبتهً ووقارًا.

دخل ذلك الشيخُ شديدُ الوقار في ملامحه على مجموعةٍ من الفلاحين الجالسين حول نارٍ قد أشعلوها لتكون لهم الدفء والونس في عتمة الليل الباردة... الفلاحين الذين كان من الواضح أنهم يتنازعون على شيء ما فيما بينهم، دخل عليهم هذا الشيخ وقطع حديثهم قائلاً: (هاي عليكو.. إزيكو)


فرحّب بيه الجميع وقام أحدهم من مكانه ليُجلسه: (انفضّل يا شيخنا، ثواني هقوم أعملك شاي)، فردّ عليه الشيخ: (لا لا.. متتعيش نفسك يا بني... خليك قاعد... أنا هاخذ كوباية الشاي دي)






ها بقى قولولى كنتو بتتخانقوا ف ايه قبل
ما أجى ؟

بصراحة حمدان دهوت يا شيخ مزعلنا ، أستلف من كل واحد فينا
ألف جنيه وأدبته سنة أهو مسددش ولا جنيهه من اللى عليه يا شيخ
.. أحنا أه عارفين ان مراته ماتت وهى بتولد وهو معند هوش أرض
يصرف منها ولا عنده بهيمة يرضع ولاده من لبنها وعارفين ان
ظروفه وحشة .. بس بردو أحنا فى أشد الحاجة للسحتوت يا
شيخنا .. أدبك شايف ظروف البلد عاملة ازاي .. أحنا عملنا اللى
علينا وصبرنا عليه سنة ومينقلهوش يدفع الفلوس كلها مرة واحدة
.. يعنى ع الأقل يرجعها جزء جزء .. مش يناملنا ع الخط كدا ..
يعنى يرضى ربنا الكلام اللى هو بيعمله دا يا شيخنا ؟



لا طبعاً ميرضيش ربنا يا ابني .. وعارف إن كلكوا متضايقين
من حمدان وعاوزين فلوسكم دلوقتي .. بس أنا هحكلم قصة
تاخذو منها عبرة وعظة ف الموقف اللي أنتوا فيه دا

أفضل يا شيخنا أحنا سامعينك .. أفضل




ثم بدأ الشيخ في إلقاء قصته قائلاً: كان فيه شاب اسمه شريف...
كان في سنة تانية طب بشري... كان يتيم الأم ووحيد وملهوش حدّ ف
الدينا غير أبوه... وفي أحد أيام الصيف الجميلة.. صبحي شريف الصبح
بدري عشان يروح محضراته، وكعاداته أول ما بيصحى كل يوم... راح
فاتح باب البلكونة عشان يستنشق هواء الصبح العليل اللي بيديله
جرعة تفاعل تخليه يقدر يكمل ف الكلية بنت ال **** دي.

بس يا دوب هو فتح باب البلكونة... وما أقلكوش ع اللي حصل
بقى... لقي اللي ممكنش يتوقعه ولا يخطر على باله أبد!!!!!!




لقى ايه يا شيخنا .. البت مرفت جارتهم بتستحمى
وفاتحة الشباك؟ هيهيهيهيهيه



بلاش سفالة ونحترم نفسنا شوية .. ومحدث
يقاطعنى و الا هاخذ بعض و أقوم وتولعوا ببعض

بس أسكت يا ض يا تافه .. أتفضل يا شيخنا كمل
محدث هيقاطعك تانى .. أمسحها فينا أحنا



ماشى .. عشان خاطر ك انت بس .. المهم شريف لما فتح باب البلكونة لقي اللى مكنش متوقعه خالص .. لقي الكلوت بتاعه اللى ناشره من أمبارح ف البلكونة لسة منشفش



فضحك الفلاحون جميعًا، وقال أحدهم وهو ميّت من الضحك للشيخ: (حلوة.. حلوة... كّفك يا شيخ)، فأعطاه الشيخ كفه وهو يضحك ثم سحبه سريعًا وعاد لوقاره قائلاً: (لا نتكلم جد بقى... ضحكنا كثير... نحترم نفسنا... شريف لما فتح باب البلكونة لقي كائنات بشرية لون بشرتها قد تغير وتعفن... الكائنات دي كانت بتجري وهي في حالة سُعار عجيبة ورا سكان الشارع اللي بتطل عليه بلكونة شريف... كانت الكائنات دي بتجري في مجموعات للانقراض على فريستها... ولو زنقوا واحد بيطلعوا عين أمه... كانوا بينهشوا ف لحمه الحي حرفيًا يا ولاد... ويقرقشوا دماغه قرقشة)

شريف طبعًا مصدّقس اللي شافه... أصل الحاجات دي مبيشوفهاش إلا ف أفلام الزومبيز على إم بي سي 2... ف إزاي؟!!!!

عشان كدا شريف راح بسرعة جاب ريموت التلفزيون من المكان اللي دايمًا متعود يحطه فيه... بجوار السيرير... تحديدًا جنب الشبشب...



راح جابه وشغل التلفزيون بسرعة... لقي معظم الفضائيات كاتبة
ف شريط الأخبار «انتشار فيروس الزومبي في مصر والحكومة المصرية
تحاول السيطرة على الوضع»... مصدقش... قال دي أكيد مؤامرة للنيل
من استقرار مصر وقناة السويس الجديدة... فقام رايح قالب على
الفضائية المصرية... لقي برنامج (صباح الخير يا مصر) ومستضيفين
راقص باليه مائي!!!

فقاطعه أحد الفلاحين: (ألا هو إيه الباليه المائي دا يا شيخنا؟)،
فردَّ الشيخ بضيعٍ من مقاطعته: (يعني إنت فهمت الـ زومبيز ومش
فاهم يعني إيه باليه مائي؟!!!)

- أيوه يا شيخ، أصلي متابع مسلسل the walking dead كل
المواسم وعارف الزومبيز وحافظهم صم... بس الصراحة أول مرة أسمع
عن الباليه المائي دا..

= اللهم صلي ع النبي... بتتفرج على "زا واكينج ديد" كمان!...
المهم يا سيدي الباليه المائي دا.. اللي هو آآآآآ... اللي بيعملوا فيه ال...
ال... بص عارف الباليه العادي؟

- لأ!

= أهو دا النوع المائي منه بقى..... ومحدث يقاطعني لو سمحتوا
تاني... أقسم بالله أقوم..

فردَّ الجميع: (إحنا أسفين يا شيخنا.. كمل كمل)

فاستكمل الشيخ كلامه: (المهم شريف من كتر ما هو مش
مصدق اللي بيحصل قرر يتصل بأصحابه يعرف منهم حقيقة اللي
شافه ف الشارع وعلى الفضائيات دا... اتصل بـ عبد الله... ما ردش...)



اتصل بـ محمود.. ما ردّش... اتصل بـ سعيد... ما ردّش!!!... إيه دا.. دا
بينهم اتاكلوا ولا إيه!!).

وفجأة وسط تفكير شريف ف اللي بيحصل دا.... جاله اتصال من
جارتة وزميلته ف الكلية بسنت... أول ما لقاهما بتتصل ردّ عليها مع
إنه مبيطقش أمها... بس ردّ وقالها: (بسنت... إلحقيني... هو اللي
بيحصل عندنا ف الشارع دا بجد؟!!!)... قالتله: (أيوه بجد... فيروس
الزومبي انتشر ف مصر يا شريف ومش عارفين إيه السبب ولا إيه
العلاج... وانزلي بسرعة أنا واقفة تحت العمارة بتاعتكوا مستنيك...
عاوزاك ضروري جدا!!!!!!).

فنزل بسرعة شريف يشوف بسنت عاوزه إيه... ولما نزل قالها
إنتي نازلة إزاي والوضع عامل كدا ف الشارع.. قالتله: (إيه إنت مش
جاي سكشن الفسيولوجي ولا إيه!!.. كدا هنتاخذ غياب!).. شريف
فتح بؤه من كتر ما هو مش مصدّق اللي هي قالتله!.. اللي هو كل
دا بيحصل وبتفكري ف سكشن الفسيولوجي!.. آه يا بنت ال*** يا
دحيحة!!

وسط إزبهلال واندهاش شريف.. بسنت سألته وقالتله: (آه
صحيح معاك محاضرات البايو بتاعت إمبراح؟).. قالها: (بايو إيه يا
مناخوليا.. إحنا شوية وهنموت أهو!!.. إنتي مش ف وعيك ولا إيه..
بصي حواليك كدا!!!)


بصّت بسنت حواليتها وشافت جيرانهم وهمّا بياكلوا بعض في
وضع مزري للغاية.. ورجعت بصّت لشريف تاني وقالتله: (طب معاك
محاضرات الأناطومي؟)



فرح أوي، قالها إنتي بتعملي إيه هنا يا مدام فيفي أنا بحب كل
المسلسلات اللي بتعملوها.. قالتله وهي بتحرك رقبتها الحركة المشهورة:
(هكون بعمل إيه يعني يا نانوس عين خالتك.. العربية عطلانة!).. ما
كملتش كلمتها وهوبا!!! اتهجم عليها زومبي.. حاولت تقاومه.. لكن
للأسف كان أقوى منها وعضها من رقبتها!

ثم سكت الشيخ برهةً فقاطعه أحد الفلاحين متحمسًا: (ها...
وبعدين يا شيخنا وبعدييين... "فيفي . ع" أكيد اتحولت لزومبي
وجريت ورا شريف هي كمان صح؟)... فردّ الشيخ:

لأ .. الزومبي بعد ما عضها هو اللي أتحول لـ "
فيفي . ع" .. ودي كانت نهاية الزومبيز ف مصر




وبعد ذلك هزّ الشيخ رأسه في أسى وتأثر وقال للفلاحين بصوته الوقور:
(عرفتوا بقا يا ولاد أنا حكتلكوا القصة دي ليه؟... فهمتوا قصدي؟)

فردّ الفلاحين: (لأه)، فقال لهم الشيخ متعجبًا: (يعني مفهمتوش
المغزى من القصة؟!!!)، فقالوا له: (لأ.. هو فين المغزى أصلًا من
القصة دي؟)


أه تصدق هو فعلا .. معلىش أتخبطت
.. هحكى تانى .. هحكى تانى

أفضل أحكى




كان فيه ولد اسمه بيتر باركر .. الولد دا أثناء تجوله
فى أحد الاماكن العلمية لدغه عنكبوت معدل جينيا
فأداله دا قدرات خاصة خارقة بدأ يحس بيها بعـ

دا فيلم سبايدر مان




اللهم طولك يا روح .. طب كان فيه شاب أوفر ومبالغ
فيه بيشتغل طبيب بيطرى وبيحب الحيوان—

أحمد السقا - فيلم أفريكاتو




ولا أنت رخم أوى .. أنت بتفطس
القصص اللي بحكيها يلة




ثانية واحدة .. تعالى خذ هنا .. مش أنت يلة حمدان
اللى القعدة دى كلها معمولة علشانه وأنا عمال أحكى
وأتعب نفسى عشان ياخدوا العظة والعبرة من القصة؟

أيوة



خلاص يا عيال .. أنا أفكرت أفكرت .. الواد دا
نصاب ابن **** وسارق فلوسكم ومش
هيرجعها الا بالعافية .. ما تسيبوش أمه الليلادى
الا لما تاخدوا حقكو أنا عارفه كويس

!!





ثم تركهم الشيخ يُشبعون حمدان ضربًا وذهب لأول الشارع
ركب الفزبة بتاعته الي كان راكنها ومشى.

مَّت




احکمی یا شهزاد .. انجری



امحكي يا شهزاد .. انجزي





فيه ايه يلة مالك !! .. شهرزاد
شهرزاد شهرزاد .. ايببيبييه ..
الواحدة متعرفش تاخذ راحتها ابدأ ف
أم المملكة دي ! .. عايز ايه !!?



أحكيلي حكاية



فجلست شهرزاد بجوار ملكها وزوجها وبعلمها شهریار، وقالت له:
(إنت مش هتبتل مرقعة بقى وتكبر على الكلام دا... دا الواد عماد
ابنك بقى قد درفة الباب.... حكاية إيه يا راجل يا تافه!!)

فقال لها شهریار: (لا بقولك إيه... عليا الحرام من ديني بصي...
وكتاب الله أقطعك شرايين نفسي... احكي لي حكاية حلوة بقا عايز
أنام ورحمة أمك)

فتهدت شهرزاد طويلاً، ثم قالت: (ماشي أمري لله.. مهو أنا
موعودة بيك... أنا مش عارفة إيه اللي كان جابرنى ع الجوازة دي..
مش عارفة ليه مسمعتش كلام أمي واتجوزت أشرف ابن خالتي... بص
يا سيدي... كان فيه واحدة اسمها ري....

فقاطعها شهریار: (إيه "كان فيه" دي!!!... إنتي بتحكي لوائل
الإبراشي!!!... لا قوليلي الدخلة بتاعتت بلغني أيها الملك السعيد ذو الرأي
الرشيد.. عارفاها؟)

فكشّرت شهرزاد وجهها وأشارت إليه بكفّ يدها ليتوقف عمّا
يقوله، وقالت له: (ششششششششششش... كان فيه واحدة اسمها ريهام..
خريجة كلية علوم بتقدير امتياز.. بتشتغل ف مركز البحوث وبتحضر
الماجستير بتاعها.. ريهام كانت ناجحة جداً ف شغلها بس كانت
مريضة بـ اكتئاب مزمن بسبب الوحدة اللي بتعاني منها.. بس سبب
الاكتئاب الحقيقي كان أنها شافت احتفال المرتبطين بيوم الفلانطين.

شافت محنهم ف الكافيهات.. شافت بوستاتهم ع الفيس.. شافت
بلاينهم وقلوبهم ودباديبهم وشيكولاتاتهم وبابا غنوجهم.. عشان كدا
ريهام قررت تنتقم منهم على طريقتهما.. اخترعت جهاز شبيه بآلة
الزمن.. اللي بيدخل فيه بيقدر يروح أي فيلم أجنبي رومانسي هو
عاوزه ويعيش أحداثه.



جمعت أكثر ناس مرتبطة عندها ع الفيسبوك بيعانوا من "المُحن
الزائد ف البوستات يوم الفلاتين" وقرّرت تخليهم يعيشوا التجربة،
وهمّا ما صدّقوا إنهم هيقدرُوا يعيشوا جوًّا الأفلام الرومانسية الي
مليانة أفورة من الي بيحبوها:

= أحمد وراينا اختاروا فيلم (تيتانيك).. ريهام دخّلتهم جوّه الآلة
بتاعتها.. انبهروا بأجواء الفيلم.. قعدوا يتمرقعوا ويرقصوا ويغنوا ع
المركب.. لحدّ م جه القبطان قالّهم إن السفينة بتغرق واتخرمت بعد
ما خبطت ف جبل جليدي ولازم يتم تخفيف الأحمال حالًا!

راينا بصّت لأحمد وقاتله: ده وقتك بقى عشان تضحي بنفسك
عشاني.. أحمد قالّها: أضحي مين!! إنتي عبيطة ف نافوخك!! واستأذن
القبطان واتنين من الركاب كمان إنهم يساعده ف شيلها ورميها ف
المية عشان يخففوا الأحمال.. أصل رانيا كانت مليانة شوية.. لأهي
كانت مليانة جدًا!!!! الحقيقة.

ورموها الحمد لله.. والمركب اتظبطت والأحمال اتعدلت وقدرُوا
ينجوا بالسفينة بعد الاصطدام بالجبل الجليدي.. لكن مش معنى إنهم
سلكوا مع الجبل الجليدي إنهم هيسلكوا مع رانيا!.. للأسف المركب
خبطت ف جثة رانيا الي كانت بتطفو فوق سطح المية واتكسرت
وغرقت ومات كل الي عليها!

= وائل وميس اختاروا بقى فيلم (هييتــــا).. بس ريهام
قاتلهم: (بس فيه كابلز كتير أوي جوّه الفيلم دا... إنتو عاوزين تعيشوا
أنهو كابل ف دول؟)... يعني عمرو يوسف وياسمين رئيس... ولا أحمد



داوود ودينا الشربيني... ولا أحمد مالك وجميلة عوض... ولا الطفل
والطفلة الصغيرين؟!... هتختاروا أي كابل فيهم؟

فقعد يفكر شوية وائل ولميس وبعدين وائل قال للدكتورة ريهام:
(أنا نفسي نبقى أحمد مالك وجميلة عوض... إيه رأيك يا لميس؟)...
ف لميس حبيته قالتله: أوك موافقة.... وخلته يدخل جوّه الآلة ويبقى
أحمد مالك وبعدين فكستله هي، وبقت "ياسمين رئيس" وعاشت مع
عمرو يوسف (عشان طبعًا أحلى من وائل بكتير).

= مدحت وصفاء اختاروا فيلم (تويلايت).. الفيلم طبعًا كلنا
عارفين إنه خمس أجزاء.. بس معاهم مقعدش كثير.. همّا عشر دقائق
وأول ما مدحت شاف صفاء ف الفيلم مقدرش يقاوم.. مصّ دمها
بالكامل مسبش منه غير كوباية حطّها ف التلاجة عشان يحلي بيها
ف آخر الفيلم.

= وليد وبثينة بقى اختاروا فيلم (عنتر وبيسة).. طبعًا ريهام
ماستوعبتش اختيارهم العجيب دا وجريت وراهم بالشبشب.

= حمدي وشروق اختاروا فيلم (سنو وايت والأقزام السبعة)..
وللأسف الشديد.. نهاية الفيلم مكنتش سعيدة زي ما توقّعوا.. لأن
شروق اتطافست ع التفاحة واكلتها كلها مش قطعة واحدة بس كدا
وخلص.. وحمدي كمان استقرف يبوسها عشان يفك لعنة التفاحة..



ده طبعًا غير الأقسام السبعة اللي سيحوا الغوايش بتاعت سنو وايت
وباعوها أول ما أغمى عليها.. هو كان فيلم ميئل بستين نيلة الحقيقة.

الناس دي كلها دخلت الأفلام وهي فاكرة إنهم هيعيشوا قصة
الفيلم وبعدين يرجعوا تاني عادي.. لكن اللي ريهام خبته عنهم إنها
بتعرف بس تدخل الناس جوّه الفيلم.. مبتعرفش تخرّجهم منه.. وهي
كانت شايفة ده إنه عقاب منها على المُحن بتاعهم في يوم الفلانتين..
المُحن اللي جبلها اكتاب)

فقال لها شهريار وقد ظهرت ملامح الاستمتاع بالقصة على وجهه:
(الله حكاية حلوة أوي... احكي لي واحدة كمان)، فقالت له شهرزاد: (لا
حكاية إيه.. أنا مش فاضية أنا سايبه الأكل ع النار)، فقال لها شهريار:
(النار هنا في قلبي من حبك يا عسل... احكي بقا متبقيش رخمة)

فنظرت له شهرزاد نظرة اشمئزاز، ثم قامت لتخرج من الغرفة
سريعًا متجاهلةً طلبه، وقالت بصوتٍ غير مسموع: (جك نار لما تولّع
في مصارينك... ملك تافه)

حينها شعر شهريار بإهانةٍ بالغةٍ في حقه... فكشّر عن أنيابه
واستجمع قواه الصوتية ونادى بملء فيه على حارسه الشخصي وسيافه
قائلًا:



مسروووووور




أنت يا مسرور الكلب



يا مسروووووووووووور





تمت



أمیر محمد أحمد حمدي الانتقام

(الشهيد بأمير الانتقام)



أمير محمد أحمد حمدي الانتقام

(الشهير بأمير الانتقام)

تعالَت صيحاته في إحدى طرقات السجن وهم يجرونه بكلِّ عنفٍ وقسوةٍ لينتهي به المطاف في النهاية مرمياً على أرض إحدى الزنازين المعتمة تحت الأرض... كان ذلك الشاب يصيح بكلِّ طاقته التي ضربها الوهنُ قائلاً: (مظلوووووووم... والله العظيم مظلوووووووم... مظلوووووووم).

تجمّع حوله المساجين بعد أن تركه الحراس وأغلقوا باب الزنزانة بإحكامٍ شديدٍ... أخذ المساجين يهدّثون من رُوعه حتى بدأ يهدأ فعلاً وينظر حوله ويجمع تفاصيل المكان... فإذا به مكانٌ مُعتمٌ شديد القسوة نسج العنكبوت على سقفه أعزف اللوحات بخيوطه، وتفنن الزمن في رسم الشروخ والتصدعات على جدرانه البائسة، بينما الأرضية فقد كانت من نصيب المساجين... فقد أبدعوا في ملء الأرضية بتحفٍ خلابَةٍ بفضل قدرتهم الرائعة على الإخراج..... وأقصد هنا بالإخراج العملية الحيوية وليست الفنية.




بعدهما أدرك الشاب ما وصل إليه أمره صاح مجدداً: (خرّجوني من هنا..... أنا معملتش حاجا.....) أنا معملتش حاجا..... (خرّجوني من هنا..... أنا معملتش حاجا.....) فمّل منه المساجين الذين كانوا يُحاولون تهدئة روعة وتركوه يصيح وحيداً... حتى نادى عليه صوت: (خد يا بني إنت... إهدى كدا وتعالى اقعد جنبي هنا).


هيبة الصوت ووقاره جعلوا الشاب يلتفت ليبحث عن مصدر ذلك الصوت... فإذا به رجل عجوز أعمى مرتدياً نظارة سوداء وقد ظهر الشيب على رأسه... ذهب إليه الشاب بهدوءٍ وجلس بجواره، وقال له بلهجةٍ مليئةٍ بالحنن والانكسار: (إحنا فين يا أبويا؟.. وإيه المكان دا!!)

ضحك الشيخ بسخريةٍ، وقال له: (إحنا فين!!... هو دا سؤال يا بني... إحنا تحت الأرض... مدفونين بالحيا... بُص لكل الناس اللي هنا دول كدا... أقل واحد هنا مجبوس بقاله خمستاشر سنة... مفيش خروج من هنا... اللي بيجي مبيطلعش إلا ميت... فيهم اللي جه ف قضية سياسية واللي جه عشان ضرب أمين شرطة واللي جه غلاسة كدا وخلص.... إنما أنت جيت هنا ليه يا حبيبي؟)


واحد من كبريات البلاد حب مراتي وعجبتة
فـ رماني هنا عشان يعرف يتجوزها




أسمه حلمي عسكر ؟



أيوة .. عرفت منين !!!




شوفت المسلسل دا قبل كدا




أنت بقى أكيد كمال أبو رية
صح ؟




عاشت الأسامى يا أبو على




ربنا يخليك يا رب .. أنا
أرتحتك والله أول ما شوفتك




وأنا والله كمان كان نفسي أرتاحك
لما أشوفك .. بس أنا للأسف أعمى
مبرتاحش لحد




أنت أكيد فقدت بصرك ف
الثورة صح ؟



لأ ف خناقة بسبب
معاكسة بنت



وكمان بتدافع عن بنت بتتعاكس
.. أنت راجل بمعنى الكلمة




أدافع ايه .. أنا اللي
كنت بعاكس




وجيت هنا بردو بسبب
المعاكسة ؟




لا عيب عليك .. أنا دخلت هنا للأسف
ظلم في قضية إتجار مخدرات




إزاي؟



البوليس مسكنى متلبس بإحداشر فرشة
حشيش و عملولى قضية إتجار ظلم



طب والإحداشر فرشة حشيش دول
بتوع مين؟ مدام أنت مظلوم!!!



بتوعى أنا .. بس أنا كنت جاييهم
تعاطى مش إتجار .. حسبى الله ونعم
الوكيل ف الظالم



حسبى الله ونعم الوكيل فيك أنت
يا أخى .. أنا قايم من جنبك .. دا
أنت طلعت جزمة



ثم ابتعد حسن الهلالي عن الرجل الأعمى بعدما اكتشف مصائبه
وجلس بجوار رجلٍ آخر كبير السن ارتسمت على ملامحه الطيبة....
فأخذ الرجل الكبير يطبب عليه برفقٍ مُحاولاً طمأنته حتى اطمأن
له ف حاول التحرش به... فضربه حسن بالـ "قلم" وقال له: (يا قليل
الأدب يا سافل).

فتجمّع حولهم مجموعة أخرى من كبار السن المساجين، فحكى
لهم حسن ما حدث من المتحرش.... فقالوا له: (ما هو ليه حق بردو
يا بني... إحنا من زمان مشوفناش كائن إنثوي صغير كدا)... فقال
لهم: (بس أنا مش كائن إنثوي).. فقالوا له: (بس صغير) وهاجموه
محاولين التحرش به.... فحدثت معركةً كبيرةً بينهم على حسن
الهلالي.... مما اضطر الحرس للدخول للسيطرة على الوضع وقاموا

مشوار النفق اللي بدأته عشان نقدر أنا وأنت نخرج من هنا... لا يا
عم... فاكس... مش طالبة فرهدة)

= إيه يا بني الأوفر اللي أنت فيه من الصبح دا!!! مش دا
الموضوع اللي كنت هكلمك فيه خالص!

- أمال؟

= كنت هكلمك عن "كيوننت" عادي يعني... التسويق الشبكي

تمت



ألف ناقة "فوشيا"




حلبتلك بقى شوية لبن أنما أياه
.. خسارة ف جتت أبوكى

بجد ميرسى كتير .. كنت
عطشانة أوى



يخربيتك ! .. هو أنا جايبك جهينة !
.. دا أنا لسة حالبها من المعزة !

* صوت شرب
* وتكرع *



مش تغليها يا ماما قبل ما تشربي !
.. الميكروبات يا حبيبتى مش كدا !

سورى أصلى
مفطرتش



ما علينا .. المهم ايه رأيك ف اللبن ؟

حلو .. معكش كمان ؟



معكش !!! .. ينهار أسوح .. أنا ايه اللي
رمانى الرمية السوداء دى يا ربي

السودة دى تبقى أمك



وكممان شرشوحة !!!

والله لأقول لأبويا يفتأك



لا أبوكى ايه .. دا غبى وايدہ ثقيلة .. أنسى
أى حاجة قولتھاك وأسمعى بقى القصيدة
دى .. مألها ليكى مخصوص يا بنت قلبى

سمعنى



لقد ذكرتك والرماح نواهل منى وبيض
الهند تقطر من دم
فوددت تقبيل السيوف لأنها لمعت كبارق
ثغرك المتبسم

!!



قولی اُحبك كى تزید وسامتی .. فبغیر حبك لا
أكون جمیلا .. قولی اُحبك كى تصیر أصابعی
ذهباً وتصبح جبھتی قندیلا



بجد تحفة .. أنت أراى كدا



ثم جاء مالك أبو عبلة ليراهما يتحدثان معًا فما كان منه إلا أنه وجّه حديثه لأبنته بصوته الأجش: (ماذا تفعلين مع هذا العبد الأسود يا عبلة؟!)، فردّت عبلة في توترٍ: (دا بتاع اللبن يا بابا).

فردّ مُوجهًا حديثه إلى عنتره: (هيّا يا عبدي يا أسود... اذهب بعيدًا عن هنا يا ابن زبيبة)، فسمعه بعض الأطفال التي كانت تلعب بجوار الخيمة فأخذوا يرقّوه واصفينه بالعبد الأسود وابن زبيبة مما أثار غضب واستياء عنتره بشدة.

وصل عنتره إلى خيمة أمه زبيبة فوجدها تحلبُ نفس العنزة التي كان يحلبها منذ قليلٍ وطلع روح أمها، فقال لأمه: (لا تنتظري منها لبنًا يا أمي، فلقد حلبتها منذ قليلٍ)، فقالت له: (حلبتها منذ قليل؟!...) ثم أخذت ترجّ ف العنزة بقوةٍ ثم حاولت حلبها مرةً أخرى، وقالت مستاءةً: (حتى ما سبتش فيها كوباية لبن واحدة حتى!! إنت حلبت المعزة كلها يا ابني!... طب هعملكوا الرز بلبن إزاي دلوقتي!)

= مش مشكلة يا أمي اعلمي مكرونة بلبن.

- يا ولدي المشكلة ف اللبن مش ف الرز.

= آه.. سامحيني يا أمي فأني حزين أشد الحزن كما ترين... فلقد نعتني اليوم عمي مالك بالعبد الأسود ابن زبيبة.. وإنتي تدرين يا أمي كم لهذا الوصف من أثر قاسي على قلبي.

- معلش يا ابني... أنت ابن شداد... والله ابن شداااa

= لا يا أمي أنا موضوع "ابن زبيبة" دا مش مزعلني... عادي ممكن أقنع الناس إن أبويا اسمه "زبيبة"... اللي مزعلني موضوع العبد الأسود دا... مبحش حدّ يقولهالي.

- والله أنا زهقت من عنصرية (بني عبس) دي يا ولدي..



= وأنا والله يا أمي... بس هنععمل إيه بقا... عالم ولاد عبس
بصحيح

- فكّرت تروح للملك النعمان؟

= بتاع العراق؟

- أيوووووه... بيقولوا عنده حلّ لكل حاجة.. بس بشرط تحارب
ف جيشه بتاع سنتين كدا.... بيقدر الفرسان الشداد الي زيك يا ولدي
مش زي البلد دي..

= خلصانة... من بكره رايحله..

ثم جمع عنتره بن شداد ملابسه وذهب في رحلته لتحقيق
أحلامه عند الملك النعمان ملك العراق.. ولكن في رحلته غرق في بحر
الرمال المتحركة... ولكن أنقذه رجل بدوي.... فشكره عنتره بن شداد
ثم أكمل مسيرته....

فغرق مرةً أخرى في بحر الرمال المتحركة... فأنقذه نفس الرجل
البدوي... فشكره عنتره، ثم أكمل رحلته مرةً أخرى.... فغرق مجدداً
في بحر الرمال المتحركة!.... فأنقذه نفس ذات الرجل البدوي... فقتله
عنتره عشان بدأ يتشام من أمه.... ثم أكمل رحلته حتى وصل إلى
أراضي الملك النعمان..

دخل عنتره إلى النعمان وأخبره أنه قطع طريقاً طويلاً من أجل
أن يُحارب إلى صفوفه وكشف له عن عضلتي الباي والتراي التي
يملكهما فأعجب بهما النعمان كثيراً، ثم طلب منه أن يكشف له عن



سمّانته.... فكشفتها له عنتره فأعجب بها النعمان وقال له إذن أنت فارس في جيشي يا عنتره ولك ما تريد.

فقال له عنتره لا أريد شيئاً يا مولاي إلا أن تجد لي حلا في سواد لوني... فبني عبس يُنادوني بالعبد الأسود العبد الأسود ولا أطيق ذلك.... فطمأنه النعمان بأنه يملك الحل لهذه المشكلة ولكن لا بد أولاً أن يُحارب له عنتره سنتين حتى يُكافئه بحل هذه المشكلة التي طالما أزعجت عنتره.

بعد عامين:







خد دی.. دا حل نهائی لمشکانتک



کریم تفتیح بشره



دا أنا اللي هفتح بشرتك
دلوقتي يا ابن الـ ****
... أنت بتستهيل ؟



ليه بس .. دا جميل والله ..
جربه أسبوعين وهد عيلي ..
و أنا معاك أهو لو فيه حاجة





أنت عارف لو مجابش نتيجة .. أقسم بالله
لأرجعه .. ومتقوليش بقي ساعتها أنت
فتحت العلبه والكلام الفارغ بتاعكو دا




بعد أن أقنعه النعمان بفاعلية كريمة تفتيح البشرة، استخدمه
عنتره أسبوعين بانتظام ثم ركب حصانه وركض إلى بني عيس، ولكنه
سرعان ما عاد غاضبًا أشد الغضب مرةً أخرى إلى النعمان:



ايه مالك يا عنتره زعلان ليه .. ما أنت
بقيت أبيض وحلو وقشطة أهو .. مالك ايه
اللى مضايقتك ؟ ... هو بنى عبس لسة
بيقلوك بردو يا عبد يا أسود !!؟



لا .. من جهة العبد الأسود
دى .. ف مبقوش يقولوهاالى





تَمَّت



= نَجْرَحُ قَلْبِي أَنَا!
- آه




= تعجرح قلبي أنا! _ آه

وبينما تُمارس بثينة عملها المعتاد اليومي في أحد مراكز خدمة العملاء بإحدى شركات الاتصالات إذا بها تستقبل مكالمَةً من مجهول يُخبرها فيها أن زوجها يخونها الآن في شقتها بالجيزة، نزلت هذه المكالمة كالصاعقة عليها فقفزت من مكتبها في عجلةٍ من أمرها وأخذت تهرول مسرعةً خارج المركز وسط تعجّب واستغراب زملائها في العمل. خرجت بثينة إلى الشارع في زمنٍ قياسي وأوقفت بسرعةٍ إحدى سيارات الأجرة التي أخذتها إلى منزلها في إحدى ضواحي الجيزة، صعدت بثينة سلام العمارة وهي لا تفكر في شيء إلا في خيانة زوجها لها وكيف ولماذا ومتي!

وصلت بثينة أخيراً إلى باب شقتها... أخرجت مفتاح الشقة وأدخلته في الباب ويداها ترتعشان خوفاً وتوتراً من مشهدٍ لا تودّ أن تراه، ثم دخلت من باب الشقة بخطواتٍ بطيئةٍ متثاقلةٍ نحو غرفة النوم ثم وضعت يدها على مقبض الباب وحاولت أن تسمع أي شيء... صوت هرج... صوت مرج... صوت مرقعة وقهقهه... مزيكا رقص بلدي.... أي



حاجة من الحاجات الي بتيجي ف التلفزيون دي... ولكنها لم تسمع أي شيء قط.... وذلك لأنها كانت تُعاني من فطرياتٍ كثيرةٍ في أذنها.
ثم فتحت بثينة باب الغرفة فوجدت ما كانت تخشاه:







أطلعى بره يا سافلة يا
حقيرة يا حيوانة .. لوثتى
سريرى الطاهر بقذارتك




تطلع ايه .. دى
لسة جاية !



يلا بدل ما أقسم بالله أصوت وألم
عليكو الجيران و أفضحكو ف
الحتة



جيران مين ! .. عادة هتطلع من عندي ع الاستاذ
بكرى جارنا ف السادس ومن عنده ع الاستاذ وليد
ف الرابع .. فغالبا لو أتلّموا هيضربوكى أنتى



يا سلام ! ... طب ما أنت لسة بلبسك أنت
كمان ومع ذلك شديت البطانية غطيت نفسك
بيها بردو أول ما دخلت !



لا .. الامر يختلف .. أنا لابس برمودا
.. تحت ركبتى كله باين يا ماما



انما أنتى لابسة بنطلون
جينيز .. فبتغطى نفسك
ليه ؟



يا دى النيسيسيلة ..
دى رجعت تانى



مين قال إنها أحلى منك .. دا شيطان والله ودخل ما
بيننا .. أنما انتى قمراية .. بصى لشكك ف المراية
كدا .. بس متدققيش أوى .. نظرة سريعة كدا



وبعدين عاوزه تقتليني يا بثبث يا
حبيبتي .. هيهون عليكى كل اللحظات
الحلوة اللي قضيناها سوا ؟



اه هتهون .. أحنا أصلا عمر ما
كان فيه بينا لحظات حلوة



كدا !! .. نسيتي فرحتنا بأول حمل
ليكي .. نسيتي فرحتي أنا طيب
لما عرفت إنني هبقى أب



فرحتك أه .. بالأمانة قولتلى
يوميا " اللي ف بطنك دا
لازم ينزل "



أستغفر الله العظيم .. والله كانت ساعة
طيش .. وبعدين كان ليا عذرى .. الواد
كان طالع شبه الاستاذ معتز الدمرداش
خالص ف السونار







ألقت بثينة السكين على الأرض ثم جرت خارج الشقة والدموع تملأ عينيها من صدمتها في زوجها التي طالما أحبته... جرت بثينة باكياً، بينما تدورُ في رأسها أغنية محمد فؤاد: "أنا لو حبيبك مكنتش يوم تسييني، إزاي بتقول نصيبك وهان عليك تبيعني).

قررت بثينة أن تفعل كما فعل محمد فؤاد في الكليب، وأن توافق على عقد العمل الذي عُرض عليها مُسبقاً وتسافر خارج البلاد تاركةً عادل الذي جرحها ولم يكن مخلصاً معها.

ولكن لم تستطع بثينة أن تُسافر وحدها بدون ابنها الصغير هيثم الذي كان بالصف الثاني الابتدائي، لذا أقامت قضية طلاق على عادل وفازت بها كما فازت بقضية حضانة ابنهما ثم جهّزت جميع أوراق سفرها للخارج.

لكن عادل كان قد علم بأن بثينة تنوي السفر للخارج حزناً منها على ما حدث وهروباً أيضاً من الذكريات الأليمة التي كان سبباً فيها.. لذلك ذهب عادل إلى مدرسة هيثم ابنه وجمع زملاء ابنه وطلب منهم مساعدته.

وافق جميع طلاب المدرسة سريعاً على فكرة عادل نظراً لإعجابهم بها وذهبوا معه في اليوم الذي علموا فيه أنه ميعاد طائرة بثينة وهيثم لمغادرة مصر.

وبينما بثينة تسيرُ في ساحة المطار ومعها هيثم متوجهةً نحو قاعة الانتظار، وعيناها تترغران بالدموع اقتحمت السعادة والفرحة قلبها سريعاً عندما فوجئت بعددٍ كبيرٍ من طلبة المدرسة من زملاء هيثم متجمعين في شكلٍ احتفالي جميلٍ وفي وسطهم زوجها الحبيب السابق عادل، وما أن رآها عادل حتى أخذ يزقلها بالطوب هو والعيال بتوع المدرسة اللي كانوا مبيطقوش هيثم عشان كان عيل رخم جداً.

تَمَّت



سلامة

(هذا الفصل يسخرُ من شخصية سلامة "الأوفر" في فيلم وا إسلاماه وليس من الشخصية الحقيقية.. حيث إن الفيلم مليء بالمغالطات التاريخية القاتلة، وشخصية سلامة وأحداث الفيلم لا تمتُّ للواقع بأي صلة)



- آسف يا فاندم آخر مرة..

= ما هي فعلاً آخر مرة يا ابن ال **** ... أنا يموت أصلاً أهو!

- آسف يا فاندم.. ربنا يجعلها آخر الأحران إن شاء الله..

= الله يحرقك بجم... ثانية واحدة... مين الناس اللي وراك دول

يا سلامة؟

- مش عارف يا فاندم... دول اللي كانوا بيخبطوا.

= سلامة، دول التتار يا سلامة... الله يخرببييييتك... دخلتهم!.....

طب اهرب يا سلامة... اهرب بالعيال دلوقتي وأنا هعظلمهم..

فأخرج المملك الجريح سيفه وأشهره في وجه جنود التتار، وظل

يقاتلهم بشجاعةٍ حتى قتلوه، بينما سلامة أخذ محمود وجهاد على

حصانه وهرب من أحد الأبواب الخلفية للغرفة السرية.

ظل سلامة يجري بحصانه في الصحراء برفقة جهاد ومحمود هاربًا

من جنود التتار الذين كانوا يُطاردونهم للقضاء تمامًا على ما تبقى

من العائلة المالكة ليُسيطروا بشكلٍ نهائيٍّ على المملكة.. ظل سلامة

يجري حتى أنهك حصانه التعب من شدة الحرارة فقرّر التوقف في

منتصف الصحراء ليستريحوا قليلًا.

وفور توقفهم للاستراحة، صاح محمود بصوتٍ عالٍ متوجعًا:



انا جعان يا عم سلامة
.. جعان يا عم سلامة

وأنا كمان يا عم
سلامة .. وأنا كمان



يا حبايبي .. والله موضوع
التتار جه فجأة وملحقتش
أجيب أكل لينا وأحنا بنهرب




لا مناش دعوة .. أحنأ
جعانين يا عم سلامة ...
جعانين يا عم سلامة

ايوة جعانين يا
عم سلامة



يا حبايب قلب كبدى .. طب استنوا
هدورلكوا ف شنتتى على كيس
أندومى كدا ولا أى حاجة




بسرة يا عم سلامة أحنأ
جعانين .. بسرة يا عم سلامة

أبوة بسرة يا عم
سلامة .. بسرة
أحنأ جعانين



ما خلاص يا ولاد المفجوعة
.. قولتكو هدور أهو



ثم أخذ يبحثُ سلامة في حقيبته الصغيرة على أيّ شيء يأكله
الأطفال الصغار الذين لم يتعودوا أبداً على مثل هذه الظروف
القاسية والمواقف الصعبة... وبعد بحثه وجد سلامة أخيراً ثلاث تمراتٍ
في حقيبته فإذ به يفرح ويُبشر الصغيرين: (الحمد لله يا رب... ياما
أنت كريم يا رب.... ربنا عارف إني معايا أطفال بريئة يتيمة أمانة
ف رقبتي أبوهم وصاني عليهم قبل ما يموت... أحمدك يا ربي كم
أنت رحيم)، فصاح فيه محمود: (مـ تنجز يا عم سلامة، بطل أدائك
المبالغ فيه دا... قولنا لقيت إيه إحنا جعائين.. جعائيسيسيسيسيسين).



* فـ أكل سلامة أمامهم واحدة من التمر *




* ثم أكل واحدة أخرى *



* ثم أكل الأخيرة *

مبقاش فيه حاجة خلاص

يا ابن الـ **** يا
عم سلامة !



عشان تفضلوا تقولوا " بس.. بس " ومش
عاجبكم أوى .. أهو دا كان أول درس ليكو
النهاردة .. وهو أنكو تحمدوا ربنا على النعمة
عشان متزولش من وشكم زى مزالت كدا دلوقتى



بس عامة متزعلوش ولا تحسو بالذنب .. حتى
لو كنتو حمدتو ربنا كانت النعمة هتزول من
وشكو برديو .. عشان أنا كنت جعان أوى
بصراحة .. كدا كدا كنت هاكلهم كلهم



أجهش الطفلان بالبكاء بعدما ضاعت عليهما فرصة سدّ جوعهما
بالثلاث تمرات... ولم يجد العم سلامة مفراً إلا أن يقنع الأطفال بفوائد
نوى التمر الكثيرة ودورها المهم في تكوين أملاح البول وحصوات
الكلى، كما أنها تُعطي إحساساً بالشبع يستمر طويلاً لأنها لا تخرج
سريعاً من الجسم لأنه من الصعب تبرزها... ف لم يجد الطفلان أيضاً
مفراً من أن يأكلوها... فأكلوها.

بعد ذلك أخبرهما العم سلامة بأن التتار يلاحقونهم، ولن يهدأ
بالهم إلا بقتلهم لذلك فإنه قرّر الذهاب إلى أحد أسواق النخاسة لبيعهم
وهذا هو الحل الوحيد للهروب من ملاحقة ذئاب المغول، ولكن قبل



أن يبيعهم لا بد وأن يميزهم بعلامةٍ ما تجعله يتعرّف عليهم ويتعرفون على بعضهم حينما يكبرون بسهولة، حيث إنهم سيفترقون عن بعضهم لمدةٍ طويلةٍ حتى يلتقوا بعضهم البعض مرةً أخرى.



أنتو خوفتو كدا ليه .. متقلقوش خالص .. مش اللي
ف بالكم .. دا أنا هحامي طرف السيخ دا ع النار بس
وهعلم علامة صغيرة ف كتفكم .. مجرد علامة يعنى
.. زى بتاعت التطعيم كدا



ثم وضع سلامة طرف السيخ في النار التي أشعلها حتى بات
طرف السيخ بلون الجمر الملتهب ثم اقترب من كتف جهاد في أسى
وحزن مطالبًا إياها بمسامحته وتحمل الأم البسيط على حدّ قوله:



كفاية يا عم سلامة
ريحة الشياطين طلعت
م البيت

أهاهاهاهاهاها

أحقونناaaaaaaaaاى



تتشششششش
* صوت نار *



خلاص Done ... اللي بعده

هاااار أسود




حاول محمود الهرب بعدما رأى ما رآه، ولكن عم سلامة لم يُعطه الفرصة... قام "قفشه" و"ولع" في كتفه وسط آهات واستغاثات محمود وجهاد.

هذه الآهات نُبّهت مجموعة من جنود التتار الذين كانوا بمقرية من المكان فأسرعوا بخيولهم نحو مصدر الصوت ليروا ماذا يحدث!.



لأوجهة نظر تحترم بردو

تسلم يا ذوق .. ألا
متعرفناش بالشبح ؟



محسوبك مدحت .. فارس
من فرسان التتار

أحسن ناس .. ربنا ينصرك
أنت واللى زيك يا ابني



تسلم يا محترم .. يلا هروح بقى أدور
على اللي كنت بدور عليه .. ألا
صحيح قولى يا راجل يا طيب

أؤمرنى .. عينيا



معداش عليك وأنت قاعد راجل بدقن كدا
ومعاه واد وبت صغيرين ؟

خالص علفكرة





*

*

*

*



ركب سلامة حصانه وأخذ الأطفال وابتعد سريعاً نحو أقرب مدينة، وما أن وصل إلى أقرب مدينة حتى سأل عن أقرب سوق نخاسة لبييع الطفلين واتجه نحوه وباع الطفلين... باع محمود لأحد تجار المماليك وباع جهاد لتاجرة جوارى وراقصات... وبعد فترة قصيرة تعرّف عليه أحد جنود التتار وأمسك به وقام بتسليمه.

وفور تسليمه خيره التتار ما بين الاعتراف بمكان الطفلين أو تعذيبه بشدة حتى الموت... فقال لهم: (طبعاً الاعتراف بمكان الطفلين)... واعترف بأنه باعهم لأحد تجار النخاسة في أحد الأسواق وطلب منهم التوجه إليه سريعاً قبل أن يقوم ببيعهم لأحد الأثرياء.

فذهب التتار سريعاً ومعهم سلامة إلى سوق النخاسة حتى وجدوا الطفلين فلم يجدوا لهما أثراً... فقد اختفى التاجر واختفى كل من معه من أطفال... فقرّر التتار تعذيب سلامة لأنهم اعتقدوا أنه يتلاعب بهم... وظل يُعذبه التتار بكل أشكال التعذيب المؤلمة حتى ملّوا منه وألقوا به خارج سجونهم.


ظلّ العم سلامة الذي فقد بصره أثناء تعذيب التتار له يطوف البلاد والمدن والقرى يروي قصته وقصة الطفلين محمود وجهاد آملاً أن يجدهما... لم يكلّ ولم يمل يوماً... ومرّت الأعوام والسنون وهو على ذلك الحال.....




يا أهل مصر .. يا أهل مصر .. هحكيلكو
الحكاية .. حكاية الامير محمود والاميرة
جهد اللي التتار أستولوا على عرشـ



يا عم أرحم دماغ أبونا بقى ! .. أنت
ايه !! .. مبتشبعش من أم القصة دي
!! .. كل يوم تحكيهالنا !!



أصلى بحبها أوى .. وبعدين أنت مال
أمك .. مش عاوز تسمع أمشى أما
أنت رخم صحيح



يا عم أحترم نفسك أنت راجل أعمى
متخلنيس أزهق عليك

كمل حكايتك يا عم أسامة
سيبك منه معلىش




أسمى سلامة يا قمر



طب أحكى خالص بقى
مش عارف أتحرك م
الزحمة يخربيتك



المهم نرجع لموضوعنا .. التتار بعد ما
أستولو على عرش الامير محمود والاميرة
جهاد حبوا يقتلوهم ويتخلصوا منهم




لكن لحسن حظهم .. كان فيه راجل معاها طيب
وكيوت وقمر وعسلية وبدقن وشعره مسبب
وعنده عروق ف أيده وتفاحة آدم أسمه "
سلامة " اللي هو أنا .. أه والله يا أنجي



مش الجميل بردو
أسمه أنجي ؟



المهم الراجل الطيب دا .. باعهم فى سوق العبيد عشان
يحافظ عليهم وينقذهم من الموت .. لكن التتار مسكوه
وعذبوه و عملوا نبلة بالاستك وفضلوا يحدفوا عليه ورق
بيلسوع بالنبلة ف عينه عشان يعرفوا فين مكان محمود
وجهاد ولكنه رفض .. وفضل يرفض والنتيجة ..



النتيجة أنه بقى أعمى
... أعمى .. أعمى :)

أحسن يا رب
تتطرش كمان




فأستشاط العم سلامة غضبًا من الشخص دائم الاعتراض عليه فلم يمتلك أعصابه، فقام برفع عكازه الخشبي عليه ثم نزل به على هذا الرجل... فقام بفتح دماغ واحد تاني خالص... لأنه- زي ما إنتوا عارفين- أعمى.

وبكل خوفٍ ابتعدت الجماهير المُحتشدة بسرعةٍ بعيدًا عن سلامة تاركةً الطفل الذي فتح سلامة رأسه مرميًا على الأرض ينزف، بينما سلامة أخذ يطلب المساعدة من أي شخصٍ لإنقاذ حياة الطفل الذي قام بفتح رأسه بالخطأ، وظل سلامة يُنادي طالبًا المساعدة حتى أتاه أحدُ جنود المماليك وسأله عما فعله بالطفل وما هي قصته، ولم يُكمل جندي المماليك سؤاله حتى تذكر شيئًا ما وقال له: (إيه دا!!!.... عم سلامة!!!)... فردَّ سلامة مُندهشًا: (أيوه عرفتني منين!)... فاحتضنه جندي المماليك بشدةٍ والدموع تنهمرُ من عينه، وقال له: (أنا محمود يا سلامة، أنا محمودووووووود)..

وبكل فرحةٍ واندهاشٍ وضع سلامة يديه على وجه محمود محاولًا تمييز ملامحه الجديدة..




يااااااه يا محمود .. أنا مش
مصدق ايديا .. ما شاء الله ..
كبرت وبقيت أحمد مظهر أهو




عامل ايه يا محمود ؟

الحمد لله
تمام




وجهاد عاملة ايه ؟

عاملة أحلى
شغل



كبرت وبقت لبني
عبد العزيز ؟

لأ بقت
رقاصة




بتهزر! .. أزي! !




أزي ايه .. هو أنت كنت حاططها
ف مدرسة لغات! .. ما أنت كنت
بايعها لتاجرة جوارى ورقاصات




اه صح نسييت .. معلش
السن بقى يا بنى والذاكرة
بقت على أدها



طب بمناسبة النسيان .. أحنا
شكلنا قعدنا نتكلم ونسينا نودى
الواد اللي أنت فلقته دا للمستشفى



ينهار أسوح .. أه صح .. طب
ألحق وديه بقا لأروح ف
داهية الله يكرمك



لا أوديه ايه .. هو عامة زمانه مات
.. وبعدين سيبك منه .. دا منصور
الأهبل ابن أبيك .. مش مهم



ربنا يظمنك يا حبيبي




ماشى .. سؤال بس .. هو
تفاصيل وشى كثير أوى كدا
ولا أنت اللي بتأفور ؟






ثم بعد ذلك أخذ محمود سلامة إلى المكان الذي تعمل فيه
جهاد كما طلب:


اهى جهاد أهية يا عم سلامة




اللهم صلى ع النبي ... أعوذ
بالله .. كويس إني أعمى




أزيك يا جهاد يا بنتى ..
أنا سلامة .. فكرانى ؟




سلامة بتاع شقة
المعاتشى ؟



معادى أيه الله يخربيتك .. أنا سلامة اللي
هربت بيكو و انتو صغيرين انتي و محمود



فلات .. عسلات .. قشطات
❤️




نعم؟




أى سوير أى لاف يو
❤️




أنتى بتقولى ايه ؟




أيوه بقى .. ويلا
بقا .. أسكوزمى




هي مالها يا محمود يا بني؟




أنت لسة شوفت حاجة .. أمال
لو فتحت السناب شات بتاعها



بحبكو أوى .. خمسة امواه



بقولك ايه .. يلا بينا احنا
عشان بدأت أقلق منها





بعد أسابيع قليلة..






طب أبنه الامير منصور الأهل ؟



أتقتل بالغاظ



لا حول ولا قوة الا بالله
.. دا صغير !



مهو مفهمش انه
أتقتل من كتر ما هو
أهل فماتش



طب الحمد لله




لا مهو احنا
ماسكتناش.. روحنا
قاتلينه عن قصد بقى
.. أصله كان بيحبنا
صداع



ما علينا .. طب فين الامير أقطاي ؟



معرفةوش
بصراحة .. بس
أكيد مات هو
كمان







طب لما أحب أكلم شعب مصر أكلم مين ؟



هو أنا مش عاجبك
ولا ايه !!




فاسترسل مبعوثُ التتار في قراءة رسالته بلهجةٍ مليئةٍ بالشدة والعزة والقوة قائلاً: (من سيد الجيوش ومحطم الأمم هولاكو خان قائد الجيش السادي المنتصر.. إنا عارفين مدى ضعف بلادكم.. إذا قبلتكم التتار أسياد عليكم وتدفعوا الجزية ذهب وعبيد وقطعة من أرض مصر هتستبعدوا حرب ساحقة)، وقبل أن يُكمل رسالته قاطعه شخصٌ غريبٌ ظهر فجأةً قائلاً:


ألعب براحتك وعلى هواك أنا
أصلا فوق #مستواك
#أصحي _ للكلام
#كلام _ كبار 🌟🌟



أفتح #محضر
وأثبت #حالة
إن أنا عندي أصحاب #رجالة
🌟🌟



بس يا هيثم يا حبيبي ..
أمشى أنت دلوقتي



لا مواخدة .. هيثم ابن اختي .. من العيال
الفيمص وكدا هههه .. أتفضل كمل رسالتك



احنا بنحذر مرة واحدة بس .. حددوا موقفكم ..
هتسلموا هتتولو عفونا .. هتترفضوا هتواجهو
الموت زي كل من تحدى جيشنا





أيوه يعنى مفهمتش
بردو .. انتوا
عاوزين ايه ؟



عاوزين عرش
مصر



أفضل يا حبيبي .. ولا تزعل
نفسك خالص



أتعشت كدا يا
جدعان .. يلا بينا
أحنا



تَمَّت



ہنقول اِحنا لِسَّہ حیا پپ



هنقول إحنا لسه حيايب



فوزي ونرمين.. اتنين مصريين ما بينهم قصة حب بقالها 7 سنين...
أو خلينا نكون واضحين هي بقالها 7 سنين من ناحية فوزي.. إنما من
ناحية نرمين فد بقالها 5 سنين بس.. عشان كانت بتتخفق من أمه ف
أول سنتين.



مدام مد تيشحة



مدام مد تيشحة



مدام مديحة موظفة شئون الطلبة بكليةٍ ما.. 45 سنة.. عندها ولدين و بنت.. و متجوزة الأستاذ شكري موظف بالشهر العقاري.. يومها روتيني جدااا.. يتصحى كل يوم الساعة 6 الصبح.. تصحى الأستاذ شكري عشان يروح الشغل، و تصحى بنتها عشان تروح الكلية، و تصحى ابنها الصغير عشان يروح المدرسة، و تصحى ابنها الكبير غتاتة كدا و خلاص عشان هو متخرج و قاعد لهم ف البيت.. بتحاول تطفشه يعني بأي طريقة.

الأستاذ شكري يبصحي مُكتئب دايماً من نومه.. وبينني وبينكم له كامل العذر ف كده.. واحد يبصحي من النوم ييلاقي الي بتصحيه واحدة اسمها مديحة أمطة دماغها بحاجات عجيبة عشان الصّداع ولايسه لكلوك فوشيا... لازم يكتئب طبعًا هو وإحنا والللكوك الفوشيا وناهد وكلنا.

الأستاذ شكري يلبس القميص والبنطلون ويبسرح شنبه.. ما بيتبقاش غير الشراب.. بيدور ع الشراب الكحلي مبيلاقيش غير فردة واحدة بس!.. ييقلب الأوضة ع الفردة الثانية مفيش فايده.. بيروح يزعق لمديحة: فين الشراب!! ودتيه ف أي داهية تاخذك!!

مديحة بتقلب البيت كله ع الفردة الكحلي الثانية برودو مفيش فايده!!.. شكري بيتنزفز جدًّا من الاستهتار بتاع مديحة ده.. فبيزعقلها جامد.. يلبس النظارة بتاعته ف وسط الخناقة.. ييشوف ملامح مديحة كويس.. فبيتنزفز أكثر.

بيحسّ بالجوع.. فييقولها تحضّره الفطار عشان يغور من خلقتها وينزل وبيهددها لو ملقتش الفردة الكحلي للشراب بكره إنه مش هيسكت وهيكون له تصرف تاني معاها.. بتروح تحضّره الفطار.. بيقعد ياكل.. وهي بتاكل معاه عادي خالص (معندهاش أي دم الحقيقة).

بينزل الأستاذ شكري من البيت زهقان عشان فردة الشراب الكحلي الضايعة وعشان كمان مديحة خلصت كل اللانشون ف الفطار. مديحة بعد ما بينزل الأستاذ شكري بتحضّر الفطار لولادها.. البنت عاملة ريجيم ما بتفطرش فبتنزل، وابنها الصغير بتعمله ساندوتشات وينزل، وابنها الكبير بقى بغل أصلًا وبيكون متعشّي 3 مرات بالليل ومكفّي ع السرير مبيتقلبش ولا يبصحي أساسًا.



مدام مديحة بتضايق عشان العيال الي ما بتفطرش الصبح دي!.. بس ما بتسكتش ع المهزلة دي.. بتروح واكله الفطار الي وضّبه ليهم كله بدل ما يترمي.. بتخلص الفطار وبتلبس التايير الفستقي بتاعها والنضارة الشمس.. وتعمل لفة طرحة "سيد معوض" وبتنزل الشغل.

بتقف على موقف الميكروباص بتلاقي زحمة جامدة أوي ع الميكروباصات.. موظفين رايعين شغلهم وطلبة كثير أوي رايعين كلياتهم بيفكروها بولادها.. عشان كدا مع أول ميكروباص بيجي يحمل ركاب.. بتنقض ع الطلبة وتضرب ده بكوعها وتدّي دي بالرّجل وتخط دا بـ لغدها.. الي بتقدر عليه بتشلوحوه والي ما بتقدرش عليه بتعمل فيها ست كبيرة عشان محدّش يزقّها.. المهم بتركب ف الآخر بعد ما بتعمل شوية عاهات مستديمة لعيال أدّ ولادها يا عيني.

بتوصل شئون الطلبة متأخر بتلاقي طابور من الطلبة مستنينها.. بتقولهم لو سمحتوا ثواني بس هوّض مكتبتي.. بتسلم على أبله سوسن زميلتها والأستاذ عادل والحاجة زناات الي معقّدة كل البنات. زمايلها دول بيكونوا قاعدين ع المكتب كلهم وبيفطروا بيض!.. مديحة تسكت!!.. لأ طبعًا.. لازم تشاركهم البيض.. مع إنها لسّه واكله ف البيت أكل أربع أنفار.

وبعد ما تاكل وتشرب شايبها.. بيجلها انتفاخ جامد.. أصلها عندها القولون العصبي.. أو خلينا نكون مُنصفين.. هيّ الي عند القولون العصبي.

بيدخّلها أول طالب ويطلب منها ملف الكلية بتاعه عشان ناوي يحوّل لكلية تانية.. بتدور ف الملفات.. مبتلاقيش فبتقوله بكل لا مبالة الملف ضاع.. ومطلوب منه عشان يعمل ملف جديد إنه يجبلها شهادة الميلاد وشهادة الثانوية والموقف من التجنيد وخمستاش صورة بطاقة



وأربع طوابع دمغة وتلات طوابع جامعة وطابعين كمان عليهم صورة
نفرتي.تي.

الطالب طبعًا بعد الطلبات دي بيبقى مذهول ومصدوم مش
عارف هيجيب كل البلاوي السّودا دي إمتي.. فبيتحايل عليها ويوس
شعر مناخيرها عشان تدور مرة ثانية.. مدام مديحة بتتعاطف معاه
جداااا.. مش عشان الملف والهبل دا، ولكن عشان فكرها بالواد اللي
كسرته الفك بتاعه وهي بتركب الميكروباص أول إمبارح.

فتفتح أي درج عشان تسكته وخلص.. بالصدفة بتلاقي الملف
بتاعه!.. بتقولّه: (الملف أهو الحمد لله).. الواد بيطيّر من الفرحة.

مديحة بتفتح الملف عشان تشوف الورق اللي فيه فبتلاقيه
للأسف فاضي مفيهوش أي أوراق!.. بس سبحان الله.. بتلاقي فيه فردة
الشراب الكحلي بتاعت الأستاذ شكري جوزها اللي كانت ضايعة..

بتطيّر من الفرحة طبعًا بس للأسف الواد بينصدم ويحيله
تشنجات عصبية ويقع ع الأرض.. بس عادي يعني كل الناس بيحيلها
تشنجات عصبية.. الحياة بقت صعبة أوي.

عشان كدا مدام مديحة بتسييه يتشنج عادي خالص وبتروح
تدور ف بقية الملفات على الإسترتش الأخضر اللي كان ضايع منها من
فترة.. أصلها بتحبّ تلبسه أوي تحت جيبة التايير النبيتتي.. بيدّي منظر
جامد.

تمّت



البهار مندي



البَحَّار مَندي

شوفت أول ربع ساعة من الحلقة الأولى من مسلسل (البَحَّار مندي) للأستاذ أحمد عبّعزیز.. والصرّاحة أنا شوفت العجب الحقیقة.. فی أول ربع ساعة بس حصل إیّه بقى؟.. الأستاذ أحمد عبّعزیز راکب مرکب هو وصاحبه وعمّال یصطاد.. تقوم صاعقة نازلة من السما على صاحبه مموتاه!


فراح الأستاذ أحمد فی عزّ اللیل واقف قدّام البحر وقعد یعاتبه بكل تأثر وحزن ویقولہ حرفیا: (لیه یا بحر!.. لیه تعمل فیا کدا.. لیه تبعدنی عنک وأنا الی بقرب منک.. لیه کدا یا بحر! دا أنا اتولدت فیک.. وأول ما فتحت عنیا فتحتها على لونک الأزرق.. لیه کدا یا بحر!!.. لیه تغدر بیا وتاخذ أعز صدیق... لیه کدا!!)



ليه كدا يا بحر ... ليه تبعدنى
عنك وأنا اللي بقرب منك ...
ليه كدا ها؟ لبيبيه؟



وبعدين بقى فى ابن
ال **** دا !!! ...
مش عارف أنام !



وبعد قصيدة "طب ليه كدا تجرح قلبي وتشغل عقلي وبالي معاااااك
يا بحر"، بيقرر أستاذ أحمد إنه يمشي من إسكندرية عشان مش
هيقدر يعيش فيها بعد موت صاحبه.. فراح لواحد عشان يسفره برا
مصر واتفق معاه يسفره تاني يوم.

رجع الأستاذ أحمد لشقته عشان ينام ويصحى بدري... فلقى
جارتهم عمالة تغسل ف مدخل العمارة والبث بنتها عماله تلعب (في
عزّ الليل عادي جدّا!!!)



فطبعًا عشان الأستاذ أحمد قلبه حنين.. شعر شنبه قشعر من الموقف دا.. فطلع قرش من جيبه وإداه للبت بنت جارتهم، وقالها: (روحي هاتي جلطايا) <<< معرفش يعني إيه جلطايا دي.. بس من طريقة نطق أحمد عبغيزز ليها ومن شكل الكلمة نفسها واضح إنها نوع من أنواع البراز.



المهم يدوب هو إدالها القرش من هنا وطلع ينام شوية.. هوبًا قامت حريقة كبيرة فالبيت.. والبت بنت جارتهم اتحرقت قورتها.. اللي هو يخربيت نحسك يا أستاذ أحمد!... صعقت صاحبك وحرقت بنت جارتكم.. إنت إيه!



وعشان يكمل النحس الأستاذ أحمد اتحجز ف المستشفى عشان
حرق عبيط جدًا ميحيش 1 سم ف صوباعه والسفريه راحت عليه... آه
والله اتحجز والممرضة كل شويه تيجي تغيرله ع الحرق كمان!.. اللي
هو قمة الأفورة يعني!



كل دا في ربع ساعة عزيزي المشاهد.. طبعًا أنا قفلت المسلسل
بسرعة قبل ما التلفزيون يتحرق أو الكهرباء تمسك ف جدتي: (مع إنها
اتوفت من زمان بس الاحتياط واجب).. ويكفي إني أعرفكم إن بعد
كدا فالمسلسل الأستاذ أحمد هيقدر يكمل فاسكندرية، وهيحب نرمين
الفاقي وهيفضل يجري وراها لحد ما تحبه.. وأول ما تحبه وهما
قاعدين مع بعض بيجي الإنجليز (الي غالبًا احتلوا مصر مخصوص



عشان خاطر أحمد عبّيز، ويقوموا ضاربينه على دماغه وواخدين
نرمين الفقي مغتصبيها.

وبكدا الأستاذ أحمد يبقى قضي على صاحبه وحببيته وبنّت
جارتهم وميتبقاش بقى غير عيلة عثمان المغازي في مسلسل (سوق
العصر) ودول عادي يعني.. الأستاذ أحمد سجن وهبل كمال أبورية..
وموت أبوه بجلطة... ويّع أخوه الكبير اللي وراه والي قدامه... وعطل
حببيته "نجاه" لحدّ ما عنّست... حتى حلمي عسكر نفسه مسلمش
منه.. اتسجن ف الآخر.

الوحيدة اللي مجرلهاش حاجة مدام نهال عمر... أو يمكن كانت
قبل المسلسل نهال عادية و"عنبرت" بسبب أحمد عبّيز مش بعيد.



لا تشرب العصير..
إن فيه سم قاتل



لا تشرب العصير.. إن فيه سم قاتل



بت .. رجعي العصير دا
وهاتيه بطعم الفراولة
... أم حبيبة بتحذر ع
الفيس من طعم المانجة

لاحظت مؤخراً إني تقريباً مفتحش الهوم عندي ع الفيس بوك
إلا وألاقي ف وشي بوستين تلاتة ع الأقل من البوستات التحذيرية عن
الأكل... اللي هي البوستات اللي بتبدأ بكلمة (تحذير هام)... (يا
ريت كلنا ناخذ بالننا يا جماعة)... (شير عشان الكل يعرف)... (كارثة يا



فيا ريت يعني يا مصريين بلاش البوستات اللي تسدّ النَّفس
من النوعية دي... مش إحنا خالص يا مصريين اللي نتكلم عن تلوث
الطعام... مش إحنا خالص... دا إحنا محددين يوم مخصوص ف
السنة بنحتفل بيه عن طريق إننا نجيب فسيخ وناكله... الفسيخ يا
مصريين اللي هو سمك عفن ونتن وريحته طلعت وحدثت مواسم
التزاوج بين ذكور الدبان والكائنات أحادية الخلية على سطحه.

- # تحذير هام النهاردة اشترت ساندوتش ولسه ببصّ فيه قبل
مأكله لقيت صاحب المطعم ميت جواه.
- # خلوا بالكو يا جماعة العصير دا جفته إمبارح وبشره لقيته
طعمه جوافة خالص محدّش يجيبه.
- # محمود ابن أختي أكل كرانشي بالجبنه ووقع من فوق البلكونه
اتدغدغ محدّش يجيب كرانشي تاني.
- # شاهد بالصور خطورة الفراخ المحمّرة ع الغدا.
- # كارثة يا جماعة بفتح النهاردة الفيسيخاية ملقتش جواها براز
الديدان اللي بحبه!!





مشاهد درامية مؤثرة



مشاهد درامية مؤثرة

مجموعة من المشاهد المستفزة الي دايماً تتكرر في أي مسلسل أو فيلم مصري.. حاجة كدا تقدر تقول عليها لازم تبقى موجودة وإلا المسلسل أو الفيلم مبيقاش مصري:

1- مشهد (ضحينا بالأم عشان الجنين يعيش):

معلش يعني مفيش حاجة خالص اسمها كدا ف الطب.. الأولية للأم طبعاً.. إلا إذا كان جوزها موصي الدكتور قبل العملية إن لو فيه أي خطورة على حياة الجنين يضحوا بالأم فوراً.. أو موصيه إن حتى لو مفيش خطورة ع الجنين بس الدكاترة حسوا إنهم تعبوا فممكن يضحوا بالأم فوراً.

أقولك يا دكتور.. ضحوا بالأم فوراً احتياطي كدا من الأول وخلص.. أنا أصلاً محبهاش.



4 - مشهد (ياااااااااااه يامّة)؛

دا لما البطل (غالبًا بيكون الأستاذ أحمد: D) راجع مثلاً من السفر.. تلاقيه داخل على أمه بالحضن ويفضل حاضنها لحدّ الفاصل الإعلاني.. وغالبًا بين الفواصل كمان وهو بيقول: (ياااااااااااه يامّة.. حضنك وحشني أوي يامّة)..

<<لأ يا ريت ننجز يا أستاذ أحمد بقي.. أنا اتغديت ودخلت الحمّام واتوضيت وصليت وجوعت تاني وإنّت لسّه مخلصتش الحضن!!! ف لو مش هترحم أمنّا.. يا ريت ترحم أمك إنت ف المسلسل.. عشان ريحتك كلها عرق م السفر.

ياااااااه يامّة.. حضنك حرّ أوي يامّة إنتي لابسة شتوي ليه؟

5- مشهد (متقلقيش يا حبيبتني)؛

الجملة دي بيقولها دائماً البطل لمراته اللي راقدة ف غرفة العناية وحاطة ماسك أوكسجين على وشّها.. ف يقوم البطل ماسك صوابها بإيد ويلاعب ف شعرها بالإيد الثانية.. ويقوم قايلها: (متقلقيش يا حبيبتني.. هتعملي العملية وهتبقى زي الفل)..

وف الآخر مبتعملش العملية وبتموت ومبتبقاش زي الفل ولا حاجة.

متقلقيش يا حبيبتني هتعملي اللوز وهجبلك جيلاتي وهتبقى زيّ الفل..

= لوز!!! بس أنا محتاجة أعمل عملية ف القلب مش ف اللوز!

بصراحة أنا سألت لقيت اللوز أرخص.



الميكرو بلاص

مواقف واقعية حدثت بالفعل لي



الحاج "سيلفستر ستالون"



في مرة قعدت ف الميكروباص جنب اتنين.. حاج كبير كدا من اللي بقالهم كتيرعايشين دول.. مبروم الشنب.. قوي البنية.. حاجة زي سيلفستر ستالون كدا بس لابس جلابية بقى، والتاني كان واحد عنده حوالي أربعين سنة وهفتان.

المهم الاتنين ميعرفوش بعض.. فجأة كدا الحاج سيلفستر لقي الراجل اللي جنبه ماسك أشعة وأدوية وبيقلب فيهم.. قام قاله: (خير يا حبيبي أنت كنت بتكشف ولا إيه؟!)

ف الراجل قاله: (آه)





الأجرة



في يوم تاني ركبت الميكروباس والحمد لله طلع بسرعة.. شويه كدا والناس ابتدت تطلع الفلوس بتاعت الأجرة بدري بدري كدا كالعادة.. عشان اللي جنبه واحد يعرفه يفضى بقى ويتكلم معاه.. واللي جنبه واحد ميعرفوش يفضى ويشوفه بيعمل إيه ف موبايله.. أو ف أحسن الأحوال ينام على كتفه لحد ما يوصلوا.



واللي يقولها هاتي العشرين دي ويديها عشرين.. اللي هو أم
المساعدة يعني.. واللي يقولها معاكي باقي اتنين من خمسين ورا يا
أبله.... واللي تقولها عاوزه باقي العشرة... كل دا والبنت متوترة
ومكسوفة تقول مبعرفش ألمّ الأجرة حفاظاً على برستيغ وكينونة المرأة
ف المجتمع المصري.

المهم البنت بعد اللي حصل دا صعبت جداً عليّ.. وبعد ما
أنا لقيت كل الناس همّها بسّ الباقي بتاعها وكل دقيقة واحد يقولها
عاوز باقي كذا وكذا.. قرّرت يبقالي ردّ فعل.. أصل حرام يعني!...
حرام يعني يبقى ليّا باقي نصّ جنيه ومقولهاش أنا كمان.. اشمعنى
يعني!!!<< معاكي باقي نصّ جنيه هنا لو سمحتي..

= هو حضرتك مرتبطة يا أنسة؟

- لأ _ أ

= طب أنا ليّا باقي نصّ جنيه.



عتا كلو مصر؟



أثناء إحدى رحلاتي المكوكية بالميكروباص في يوم من أيام رمضان لعبت الصدفه دورها وقعدت جنب الشبّك في آخر الميكروباص خالص.. وقعد جنبي مين بقى.. 3 أطفال وأهمهم.. هيّ قعدت جنب الشبّك الثاني والعيال قعدت ما بينا.



زِلْزَال



في يومٍ آخر، وأثناء ركوبي الميكروباس.. ويا ريتني ما ركبت.. قوم
إيه.. ألقى الكتف اللي جنبى بيتهز.. قُلت يمكن زلزال ع الكرسي اللي
جنبى ولا حاجة.. بصّيت جنبى أشوف فيه إيه ويا ريتني ما بصّيت..
لقيت الرجل اللي جنبى بيشدّ ف شَعْر مناخيره!.. آه وربنا << يا
بركة عياطك يأمّا!



تخيّلوا!!!!... يعني أبقى قاعد جنب واحد شكله المفروض متحصّر
ومحترم ووائل الإبراشي، وفجأة ألقىه بيشدّ ف شعر مناخيره أو بينتفه
بمعنى أصحّ بدون أدنى مُبرر.. لأ وإيه.. بيقوم مدخّل صوباعين ف
مناخيره ويدور على الشعراية.. ويقوم قافش فيها لحدّ ما يتمكن
منها ومسهيّ الشعرة وناتشها على فجأة.. بياخذها على خوانة ده ولا
إيه!.. وكتفه طبعًا بيتهز كل شوية بعد الحركة بنت الجزمة دي.

<<< إيه يا أستاذ شوكت!!!!.. إنت بتعامل شعر مناخيرك بالطريقة
القاسية دي ليه!!!!.. فيه حدّ يتعامل مع شعر مناخيره كدا!!!.. مش دي
بردو كائنات حية!! بالراحة عليها!.

مش هتكلم وأقولك إن ده تصرف مقرف ومينفعش.. بس مخدتش
ف الأحياء قبل كدا إن شعر المناخير ده مهم جدًّا!.. ده بيمنع الأتربة
والجراثيم والميكروبات والزواحف من إنها تدخل مناخيرك يا أستاذ
شوكت!.. ف رفقًا بشعر مناخيرك يا أخي مش كدا.. ورفقًا بيّا أنا
كمان!

المهم بعد ما خلص شد ف شعر مناخيره وغالبًا قضي عليه ،
لقيته فجأة بيوطي تحت منه ف الميكروباص وكان واضح انه بيجيب
حاجة.

أنا قُلت سبحان الله.. ربنا بردو بيسيب بذرة تحضر جوه أيّ حدّ
فينا.. أكيد الراجل المحترم دا نزل يلّم شعر مناخيره اللي وقع بعد
المعركة عشان يسيب المكان نضيف زيّ ما استلمه.. بس للأسف لقيته
طالع بخمسة جنيه وبيقولي: بتاعتك دي؟!.. قتلته لأ.. قام حاططها ف
جيبه.



<<< آل بتاعتي آل.. عبيط أنا.. ده حتى لو كانت 100 جنيهه
وبتاعتي.. عمري ما هقولك.. ده كفاية إنك مسكتها بإيدك اللي مليانة
شعر يا أستاذ شوكت الله يقرفك.

والحمد لله.. وصلنا لآخر محطة وسط فرحة الجميع بالوصول
بسلام.. مع إني كان نفسي الميكروباص يعمل حادثة بالجانب ميموتش
فيها إلا الراجل دا.

على فكرة فيه شعر ف رجلك كمان تقريبًا... ما تتسلى فيه
كدا لحد ما نوصل بالمرة... يلا يلا.. دا الطريق لسه طويل يا
أستاذ شوكت.



حفرت اسمك حبيبي على وراق
الشجر



عارفين الجُمْل الي بنلاقيها مكتوبة على ظهر كراسي الميكروباصات
والأتوبيسات.. الجُمْل الي هي من نوعية "الحب كله" .. "للذكرى
الهباب والزحف على التراب" .. والقلوب والأسهم والحروف الكابتل
بنت التبييت دي!

عارفين الحاجات دي؟... حدّ عمره شاف الناس الي كتبها؟..
شاف الموضوع لايف يعني؟

أنا كان من حسن حظّي الشديد إني قدرت أخوض التجربة دي
وأنا راكب الميكروباص ف مشوار بعيد شوية.

ركبت كالعادة ف مكاني الذي طالما أحببته.. ف الكنبة الي ورا
خالص ناحية الشباك ع اليمين.. وعلى شمالي بقى اتنين مرييين للغاية.
وبدأ الميكروباص ف الانطلاق.. عملنا كل حاجة بتتعمل.. جمعنا
الأجرة ودورنا على فكة وخذنا الباقي والسواق زعقله شوية والركاب
أفرزت عرق شوية وكدا يعني.

وبعد ما انتهى كل دا ومع طول المشوار النسبي ابتدا الاتنين
المرييين للغاية الي جنبني يحسّوا بالملل.. والإحساس بالملل دا بقى
قادهم لإيه؟.. قادهم إنهم يبصولي.

قعدوا يتأملوا فيّا شوية.. تقريبًا كانوا شاربين حاجة.. متفهمش
بقى همّا شاكين في وجودي ولا شايفيني نيكول كيدمان بسبب الي
شاربينه ولا مش شايفيني أصلًا! متفهمش!

المهم بعد مدة من البص المجرد بلا هدف امتدت لـ دقيقتين..
واحد منهم قالّي: (معاك قلم يا صاحبي؟).. الحقيقة أنا استغربت
اتنين زيّهم هيعملوا بالقلم إيه!!



عمومًا أنا قتلته: مش معايا.. فلقيته بيدور ف جيبه وقام مطّلع
مفتاح.. أنا قُلت هيفتح دماغى بيه!!.. ولّسه هعترفله ع الأقلام الي
معايا.. لقيته مسك المفتاح وقعد يفحر ويكتب على الكنبه الي
قدّامه!!!

وبعد معاناة طويلة منه محاولًا إجبار سنّ المفتاح إنه يشقّ
طريقه في ثنایا الجلدة الي مغطية الكنبه الي قدّامهم.. خلص الحمد
لله كتابة.. ببص ع الي كتبه لقيته كاتب كدا حرفيًا: "حابيبي الغالي
ديمن علا بالي.. بحبك يا أسماً" ..

<<< شايفين الأسلوب السلس الشيق الي بيجمع بين التفاهة
والأخطاء الإملائية يا جماعة.. يا سلاااااام.. دا كفاية "أسماً" الي كاتبها
دي!

المهم بعد دا كله حضرته مكتفاش بالبيبي الي كتبه على ظهر
الكنبه.. فقرّر أنه يرسم قلب كبير فوق الجملة ويرشق فيه سهم.
وقام كاتب حرف A على يمين السهم كرمز طبعًا لمعشوقته
"أسماء" الي مخبية عليه إن الهمزة بتاعتها (عـالسطر).... واتبقى
بقى يكتب أول حرف من اسمه على شمال السهم عشان نخلص من
أم الشغلانة دي.

لقيته متردد كدا وقام باصص لصاحبه، وسأله على حاجة أنا
للأسف مسمعتهاش؟.. المهم صاحبه قاله: (مش عارف).. فلقيته بيبصلي
ويقوئي: (بقولك إيه يا صاحبي.. هو سعيد بالسـ ولا بالسـ)

<<< هاااار إسود!.. هي جت على دي!.. دا إنت قتلت خمس
مدرسين عربي وناظر بالسطر الي كتبه من شوية!



= إنت اسمك سعيد إيه؟

- سعيد محمد..

= سعيد محمد يبقى بالـ C معروفة يعني..

ميكروباص الغرام



ركبت الميكروباص في مكاني اللي مبعدش إلا فيه لما يكون المشوار هيطول شوية.. ف الآخر خالص جنب الشباك ع اليمين.. المهم كنت أنا أول واحد ركب.. وفضل الميكروباص يتملي تدريجيًا لحد ما حظي الجميل جداااا جابلي اتنين مخطوبين جداد تقريبًا عشان يقعدوا جنبي J .. لأ وجايين بقى معاهم شكارة مليانة شيبسيهات وشيكولاتات وكنزات وآيس كريم.. ليلة سودا يعني.



قدّامي!.. ارحمي أُمي بقى!.. إنتي مريحة على ماجد المصري!!.. ركبتي
يا حاجة!!!!!!

المهم بعد م قعدوا ياكلوا بقى ويتكلموا ويقولولي افتح الشباك
اللي جنبك.. لأ اقله.. طب افتحه تاني معلىش ويرجعوا ياكلوا تاني..
لحدّ ما وصلوا لك لب السوبر.. حينها الحمد لله ربنا رحمني وكان
فيه كرسي فضّي قدّام.. قمت طالع قاعد فيه فوراً!!!.. مانا الصراحة
مكنتش هستحمل المشهد بتاع وهو بيقشّر لها اللبّ ويباكل القشر
ويديها اللي جوّاه!.

= همّا مالهم بينا يا ليل.. ليه شاغلهم شوقنا اللي واخدنا..
يحسدونا وماله يا ليل اللي غيران منا يقلـ..
- (أنا): سوري أسف ع المقاطعة.. التوينكز اللي باقي دا
هتاكلوه؟





إِغْدَامُ مَعْدِي



إِعْدَامُ مَعْجِدِي

فُتِحَ باب الزنزانة المظلمة بواسطة اثنين من العساكر ليشق القليل من الضوء طريقه لها كاشفًا عن خلْوِ الزنزانة من أيِّ أشخاص باستثناء شخص واحد فقط كان يرتدي زيَّ السجن الأحمر ليتضح أنهم جاءوا من أجل أخذه لينفذ حكم الإعدام الذي صدر ضده.

قام العساكر بسحبه رغماً عنه ورغماً عن صيحات الفزع والهستيريا التي كان يُطلقها أثناء سحبه وجره... كان السجنُ يهذي بكلماتٍ غير مفهومة مصحوبة أحياناً بالبكاء وأحياناً أخرى بمحاولة المقاومة والعودة مرة أخرى للزنزانة ولكن العساكر كانوا يستخدمون معه القسوة وينهرونه قائلين: ”يلا يا خاين يا حقير... بتبيع بلدك للعدو يا كلب... أهى دي نهايتك“..



وصلنا ايه الله يخربيتك .. أنت كدا
بتخوفنى أكثر .. هو أنت واخذنى ماجيك
لاند !! .. دا أنت واخذنى أتعدم




ثم وصل الحرس إلى باب غرفة ما، فطرقوها طرقاتٍ هادئةً
مستكينةً ف تصاعد في الأفق من داخل الغرفة صوتٌ ذو هيبيةٍ يأمرهم
بالدخول.. وعند دخولهم ظهر شخصٌ يبدو أنه أحد القيادات المهمة
في المخابرات المصرية والذي أمرهم بترك السجن والخروج فوراً..






سييني أعيش يا باشا
ربنا يكرمك .. أنا
معملتش حاجة




معملتش حاجة يا خاين يا منحل
!! .. بتتجسس على بلدك
لصالح إسرائيل ! .. إسرائيل !!



والله ما كنت أعرف أنها إسرائيل يا
باشا .. هما فهموني إني هتجسس
على بلدى لصالح هولندا .. أنا
مظلوم .. مظلووووم




هولندا أنهو دى ؟



اللى بيلبسوا فائلة برتقانى ف
كاسات العالم دول يا باشا




أه أفكرتهم .. المهم متخرجناش
بره الموضوع .. أنت كلب وسافل
وخاين وحقير ورخم




ثم أعقب اللواء شكري قائلاً: "أنا مش فاهم إزاي الشيخ حساسين الوطني المحترم يخلف عيل فاشل خاين زيك كدا، إنت مش عارف إن أبوك الشيخ حساسين من أكبر رجال المقاومة البدوية ف الجبهة، أبوك بالطب البديل اللي درسه ياما عالج مصابين من الجنود المصريين في حروب الاستنزاف"



المهم نيته الحلوة .. وبعدين ما أحنا
أكتشفنا كدا ف بقينا نبعت دكتور من
عندنا مع الجنود بتوع الاستنزاف ع
الجبهة عشان منديش أبوك فرصة
يفتى ف الطب




مهو اللي متعرفهوش يا باشا إن
الدكتور اللي أنت بعتّه الاسبوع اللي
فات خدلّه ع الجبهة طلقة ف كتفه ..
فأبويا حب يعالجه بالأعشاب موته



ايه دا !! حصل أمتى ؟!! ..
أنا محدش بلغنى بالموضوع
دا خالص !!




ومين اللى هيبغك يا باشا .. مهو
كل العساكر اللى كانو مع الدكتور
.. أبويا سقاهاهم أعشابيه



!!




هاااااار أسود .. أبوك مَوّت
كل العساكر اللي بعثناهم ع
الجبهة الاسبوع اللي فات !!



!!



أيوه كلهم .. ما عدا عسكري واحد بس
.. عرف يهرب منه وراح سلم نفسه
للجيش الإسرائيلي



ثم استجمع شكري بيه قواه، وقال: ”بغض النظر عن أي حاجة دلوقتي إنت قدامك حلين اتنين ملهوش تالت عشان تعيش ونعفيك من حكم الإعدام اللي ضدك“، فردّ عليه منصور السجين بكل لهفة وشوق: ”أرجوك إلحقني بالحلين أنا موافق على أي حاجة يا باشا.. بس أعيش.. أعيشييشييش..“.

فقال له شكري بيه: ”الحل الأول إنك تساعدنا إننا نجدن ظابط شبهك عندنا ف المخابرات ضد إسرائيل.. تساعدنا بالمعلومات وبكل التفاصيل عن حياتك اللي تخلي الظابط بتاعنا دا يبقى كأنه أنت بالظبط... يعني ببساطة بدل ما كنت بتخونا مع إسرائيل عاوزينك تتعاون معنا ضد إسرائيل“.

= ماشي... طب والحل الثاني؟





وضع شكري بيه منصور السجين تحت الفحص الطبي من قبل طبيب المخبرات المصرية، وذلك من أجل اكتشاف أي أشياء غريبة بجسم منصور لعمل مثلها في جسم الطابط المصري ليصبح مثله تمامًا جسديا، كما طلب شكري بيه مقابلة الطابط المصري مجدي الذي استقر رأي القيادات على تجنيده بديلا لمنصور نظراً للشبه الكبير بينهما.. وعندما وصل مجدي لمكتب شكري بيه.. رحّب به اللواء شكري كثيراً بحفاوة بالغة وطلب منه أن يجلس ليحدثه في موضوع هام ودار بينهما الحوار التالي:

= إزيك يا مجدي يا ابني!

- الحمد لله حضرتك... طمّني يا شكري بيه أنا قلقان.. إنتوا أول مرة تبعتولي..

= هاهاهاهاهاه.. متقلقش يا ولد يا مجدي... إحنا بعنتالك عشان كل خير.

- بجد!... إيه خلاص وافقتوا على الطلب بتاعي... خلاص يعني هتجبولي تراييزة بنج ف المكتب؟

= تراييزة بنج ف المكتب إيه بس يا بني... إحنا لاقين ناكل!... إحنا باعتينلك عشان القيادات اختارتك إنك تقوم بمهمة خاصة..

- مهمة خاصة!!?

= أيوه... فيه جاسوس خاين كان بيتجسس لصالح إسرائيل.. دلوقتي إحنا مسكناه واختارناك أنت عشان نبعتك مكانه..

- لا يا فاندوم.. لاااااااااااااااا... أنا مستحيل أتجسس على بلدي آسف.

= يا ابني إنت أهبل.. هو أنا هجيبك هنا عشان أقولك تتجسس

علينا!!!



- أمال هتجيبني فين؟

= كنت جيبتك عندي ف البيت عشان محدش ياخذ باله مثلاً..

- آه صح مع حضرتك حق فعلاً، أو كنا مثلاً ممكن نتقابل ف
النادي يا فاندم..

= بالظبط أو كنا رتّبنا ميعاد في أي كافيه بعيد عن الأنظار..

- أو كنا اتفقنا نشـ

= يخربيبيبيبيتك.. إحنا بنقول إيه!... إيه اللي إحنا بنتكلم فيه دا!!...
خرجتني برّه الموضوع.... يا ابني إحنا جايينك عشان تعمل نفسك
إنك الجاسوس وتتجسس عليهم وتديهم معلومات غلط..

- طيب يا فاندم مهو أكيد إسرائيل هتعرف... هتبعوني مكانه
إزاي... مهو أكيد عارفين شكله!

= مهو دا اللي خلانا نختارك إنت دونا عن أي حدّ... إنت فيك
شبه كبير جداً جدا منه... باستثناء شوية حاجات كدا... ودي أمرها
سهل خالص.... هنعملك عملية تجميل هتبقى شبهه هو بالظبط
الخالق الناطق.

- عملية تجميل!!!?

= أيوه... هنحلق الشنب ونصغرّ الدقن ونكبرّ المناخير..

- بس يا فاندم الـ...

= مفيش بس... دي مهمة عشان خاطر مصر يا مجدي... مصر
محتاجاك.

فهزّ مجدي رأسه موافقاً على المهمة التي وضعه القدر فيها، ولم
يكمل مجدي هزّ رأسه حتى رنّ تليفون مكتب اللواء شكري.. فردّ



هنقطع هوك عشان مصر يا بنى !



لا معلىش .. مرة تانية
بقى إن شاء الله



يا مجدى يا بنى المهمة لازم تتم .. أعلى قيادة
ف البلد طالبة تأكيد معلومة من قلب إسرائيل ..
لو المعلومة دى صح .. مصر مش هتقدر
تدخل حرب لأسترداد الارض المحتلة



معلش يا باشا .. مع احترامى لقيادات البلد وكل
حاجة ... صوباعى أهم ولا الارض المحتلة !؟



ايه السؤال الغريب دا .. أكيد
الارض المحتلة طبعاً ! .. طظ ف
صوباعك هنقطعه



حرام عليك والله يا باشا .. دا لسة
صغير .. بص يا باشا ... بص



احتدّ اللواء شكري بطريقته في الكلام وأنهى الحوار قائلاً: ”الصوباع الصغير هيتقطع... الموضوع دا منتهي... خليك أدّ المسئولية يا مجدي!!“.

- خلاص يا شكري بيه اللي إنت شايفه.. وكله يهون عشان خاطر مصر..

* تليفون مكتب شكري بيه بيرن *

* بيرد ع التليفون *

* بيقفل التليفون *

= مجدي.. معلش الدكتور لسه مبلغني إن منصور الجاسوس عامل الزايدة.

- يعني إيه؟

= يعني مضطرين نفتح ونشيلك الزايدة إنت كمان..

- إمممم... ماشي يا باشا.. اتكل ع الله.. أكتها التهبت وشيلتها.

= ربنا يحميك لمصر يا مجدي يا ابني.

* تليفون مكتب شكري بيه بيرن *

* بيرد ع التليفون *

* بيقفل التليفون *

= مجدي.. معلش تاني والله... إحنا مضطرين نشيلك الكلية اليمين... منصور شايلها..

- مش إنتوا هتسيبوا الشمال؟... شيل يا باشا... الإنسان ممكن

يعيش بربع كلية..

- ربنا يحميك يا مجدي يا ابن.....



أبوس أيدك ما تردش يا شكرى
بيه .. أبوس أيدك ما تردش

* تدرررررر
* تدرررررر



يا بنى سيبنى خلىنى أرد ..
المهمة هتبولظ

* تدرررررررررررر
* تدرررررررررررر

على جتتى أنك ترد
عالتليفون دا يا شكرى
بيه .. على جتتى



مبسوط كدا !! .. أهو التليفون أتدشدش



الحمد لله .. أحسن .. أحسن









مجدى .. أنا مش عارف أجبتك الموضوع إزاي ..
الدكتور بتاعنا باعت دلوقتي بيقول إنه أكتشف كمان
إن منصور الجاسوس أتعرض لحادثة وهو صغير فقد
خلالها كل أعضائه التناسلية .. أنا آسف يا مجدى





بعد استماع مجدي لآخر خبر وقع على الأرض مغشياً عليه،
فعلطول سحبوه من رجله جرجروه لأوضة العمليات عشان يبدأوا في
تأهيله للمهمة بسرعة ويعملوله كل العمليات الي بلغوه بيها قبل ما
يفوق من الصدمة ويرفض..

من أمام غرفة العمليات:





بعد فترة:





أيوة هو
يا باشا



ينهار أسوح!
.. دا أحول!



أنا مش
متفائل يا
فرغلى

خير يا دكتور
طمنا .. مجدى
عامل ايه ؟



مجدى
عامل ايه يا
دكتور ؟



هو مبيتكلمش
ليه يا فرغلى
هو تعبان ؟







بعد خروج الدكتور من غرفة العمليات، لم يستطع اللواء شكري أن ينتظر وقرّر الدخول فوراً لداخل غرفة العمليات للاطمئنان على مجدي..





مين اللى بيتكلم ! .. أنت
اللى أتكلمت يا فرغلى ؟



لا والله ما أنا
يا فاندنم

أنا اللى بتكلم يا
شكرى بيه .. أنا
مجدى



هو مجدى بقى
شكله كدا ليه يا
فرغلى ؟



أكيد من عملية
التجميل يا
فاندم



هو كل اللي يجيبه ربنا
كويس وكل حاجة..
بس دا أقسم بالله ما
تجميل



بقا هي دي دقن جورج
كلوني اللي قولتكو
تعملوها !!!



الله يخربيت دكتور
التجميل .. قولتله صغر
الدفن راح مكبرها
الأحول ابن الأحول



وايه البؤيلة اللي ف
قورته دي كمان يا
فرغلى ؟



عشان يفاجنه
يا ثكري بيه



الله يخربيت
أمه



بس عارف يا واد يا فرغلى .. رغم كل حاجة ..
الدكتور دا والله عنده حس تجميلي بردو



إزاي سعدتك ! .. دا
مجدى بيه بقى شبه يسرا
فى فيلم التعويذة



شايف الحسنة اللى الدكتور عملهاه
تحت شفايفه دى ... تحفة



طب المهم ايه العمل دلوقتى يا
شكرى بيه ؟ هنتصرف ازاي ؟



مفیش .. ہنعدم دا ونکمل
المہمۃ بالتانی ... بمنصور




دا تقریبا کدا باظ خلاص
معدش ہیستخدام





ثم ذهب منصور إلى إسرائيل واستطاع أن يعود إلى مصر بنجاح
بالمعلومة السرية المطلوبة واستقبله في المطار اللواء شكري ووالده
الشيخ حساسين..

أبووووى .. وحشتنى يا
بووووى .. وحشتنى




شوف المشهد الجاى دا بقى يا فرغلى ..
هيكيفك أوى .. الشيخ حساسين هيقتل
ابنه عشان يطهره من الخيانة



وهو عرف منين إن
منصور ابنه خاين؟



أنا اللي قولتته .. أصلى فتّان



يلا خرينا نخلص منهم هما الاتنين ..
واحد يتقتل وواحد يتسجن



بايدى أظهرك من الخيانة يا ولى



* بيتادين *



تَمَّت



الفهرس

5	مُقَدِّمة
7	تحذيرٌ مهم
9	إهداء مهم
11	ملحوظة مهمة
13	الأعرابي
31	احكي يا شهرزاد .. أنجزى
43	أمير محمد أحمد حمدي الانتقام (الشهير بأمر الانتقام)
59	ألف ناقة "فوشيا"
79	= تجرح قلبي أنا! آه -
97	سَلَامَة
151	هنقول إحنا لسه حباب
157	مدام مدتيشحة
163	البحار مندي
171	لا تشرب العصير.. إن فيه سم قاتل
177	مشاهد درامية مؤثرة
185	الميكروبــــــــــــــــاص (مواقف واقعية حدثت بالفعل لي)
187	الحاج "سيلفستر ستالون"
191	الأجرة
195	عتاكلو مصر؟
199	زلزال
203	حفرت اسمك حبيبي على وراق الشجر
207	ميكروباص الغرام
211	إِعْدَامٌ مَجْدِي





للتواصل مع الكاتب :



Ahmed Atif









دار توياء للنشر والتوزيع